

terre, font qu'vn de nos plus fenfibles desplairirs eft de ne luy en pouuoir tefmoigner affez de recognoiffance. Au moins pretendons nous d'orefnauant cette confolation, qu'autant de fois qu'on parlera de la principale demeure de cette miffion des Hurons, la nommant du nom de faincte Marie, ce foient autant d'hommages qui luy feront rendus de ce que nous luy fommes & tenons d'elle, & de ce que nous luy voulons eftre à iamais. Ioinct que fainct Iofeph ayant efté choifi pour le patron de ce pays, & en fuite la premiere & principale Eglife qui fe bafira dans les Hurons luy eftant deftinée, nous n'auons pas deu prendre d'autre protectrice de noftre maifon que la faincte Vierge fon efpoufe, pour ne pas feparer ceux que [46] Dieu a liez fi eftroittement.

C'auoit bien efté vne de nos penfées faifant vne maifon à l'efcart efloignée du voifinage des bourgs, qu'elle feruiroit entr'autres chofes à la retraite & recollection de nos ouuriers euangeliques, qui apres leurs combats trouueroient cette folitude pleine de delices: mais iamais nous n'euffions creu que le premier à qui cette maifon feruiroit pour ce fujet, deuft eftre vn pauvre barbare, dont le genie eft fi fort efloigné des idées conformes à telles occupations. Ce fut Iofeph Chihouatenhoua, furnommé icy par excellence le Chretien.

A l'occafion des tempeftes que nous preuoyions, nous iugeafmes à propos de le preuenir de quelque inftitution plus particuliere, afin de luy fortifier le courage, comme à celuy qui deuoit feruir d'exemple à tous les autres. On luy en fit donc ouuerture, & on luy donna quelque idée des exercices fpirituels. Helas! dit-il, pourquoy auez vous efté fi long temps fans me faire part d'vn fi grand bien. I'auois eu